

Gálatas

Galacia wame tiri yehpa cjēnare Jesu yequinare ojoa ohoahye Pablo

¹ Yuhuh Pablo, Cristo yere buhe duti tiquiro cūriguh ijiaja. Masa cūriguh ijieraja yuhuh. Masa pehe yuhuhre buhe dutiye cūedari. Cohācjū mari Pacuh pehe Jesure yariariquiore masoriquiro yuhuhre cūri tiquiro yere buheacjure. Jesucristo gūhuh yuhuhre cūri. Tiquina sa cūriguh ijiguh ahrire ojoa ohoaja mūsare. ² Yuhuh mūsare Jesu yequinare Galacia yehpa cjānare quehnoa dutiaja. Yuhuh mehna cjēna Jesu yequina gūhuh mūsare quehnoa dutire. ³ Cohācjū mari Pacuh, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa. ⁴ Tiquiro Jesucristo pehe mari ñañene yeri buhirire yariahye. YojoPURE masa tiquina ñañene yeri pje ijire. Sa yero tiquiro yariahye Cohācjū mari Pacuh tiquiro cahmediro saha marine yuhduoro taro. Sa tiquiro yuhduogū yojoPURE ñañene tiquina yeriro saha ye duasi mari. ⁵ Sa ye ijipihtiye decoripe tiquirore mari Pacure ño peuhna. Sata yeihna.

Cohācjū masare tiquiro yuhduoati buheye ihcānota ijire. Apeye buheye mariedare

⁶ Cristo mūsare cahño tiquiro yequina ijianajare mūsare cūri. Sa yeguh mūsare cūriquiore yere cohāna sijoro saha ijiye buheye pehere duita mūsa cahmegū ihña acūaa wahaja. ⁷ Apeye

buheye quehnoañe buheye yero saha ijiye buheye waro ijierare. Ti sa ijierapegũta ihquẽquina m̄sa cahar̄u ijiyequina m̄sare cariboye, sijoro saha ijiye buheyere buheye, quehnoañe buheyere dojomehne duare. ⁸ Sa yena m̄sare us̄ã buhe m̄htarire mari cohãgũ sijoro saha ijiye buheyere mari buhegũ Cohãcjũ marine buhiri dahreahro. Sa yero angel uhm̄use cjũno sa tiquiro buhegũ tiquiro gũhare buhiri dahreahro Cohãcjũ. ⁹ Mianogãta us̄ã nidiro saha pari turi niitja: Ihcãquiro m̄sare us̄ã buherire cohãno, sijoro saha ijiye buheyere tiquiro buhegũ Cohãcjũ tiquirore buhiri dahreahro.

¹⁰ Sa nigũ yũhũ “Pablo dihita quehnoano buheriquiro ijire”, yũhare ni dutigũ niedaja. Cohãcjũ pehe yũhare “Quehnoano buheri m̄hũ”, tiquiro nigũ cahmeaja. Masare bucuegũ yegũ tagũ sijoro saha ijiye buheyere buheboaga yũhũ. Masa dihitare bucuegũ yegũ ijigũ ne Cristo cahacjũ ijieraboaga yũhũ.

Pablo Cristo cũriquiro tiquiro iji d̄carire yahuahye

¹¹ Yũhũ acaye, ahrire m̄sa masigũ cahmeaja yũhũ: Quehnoañe buheyere yũhũ buheri masa ye buheye ijierare. ¹² Ti buheye masare yũhũ tũhori ijierare. Sa ye apequina masa yũhare ti buheyere yahuerari. Jesucristo pehe yũhare ti buheyere masigũ yeri.

¹³ Panopũ judio masũ yũhũ ijie tirire masine m̄sa. Ohõ saha yee tii yũhũ: Jesu yequinare tutuaro ñano yegũ tiquinare quehnoano wejẽ peho cã duami. ¹⁴ Mari ñec̄s̄m̄na m̄na iji turiayequina

tiquina buherire tutua yuhduaro ye duagu yuhu acaye yuh ihcãno mehna masariquina yuhduoro ye muhtarigu ijie timi yuh. ¹⁵ Yuh sa ijirigu ijiepegũta yuh masa bajuato pano Cohãcjũ yuhure bese tuhasari jiri. Sa yero yuhure cahno tiquiro yaquiro ijiasjũ cĩri yuhure. ¹⁶ Sa yero tiquiro cahmeno saha tiquiro macunore yuhure masigũ yeri. Tiquiro yere quehnoañe buheyere judio masa ijieyequinare buheacsjũ yuh ijiatire tiquiro macunore masigu yeri yuhure. Tiquiro sa yegũ “¿Duhse ni buhero cahmeagari yuhure?” ni masare sinituerũ yuh. ¹⁷ Sa yegũ Cristo cĩriquina yuh pano ijiriquina cahapure Jerusalẽpũre sinitugũ wahaerũ. Duita Arabia yehrapũ wahaerũ. Sa yegũ Damascopũ majare tojoa wihii.

¹⁸ Ihtia cãhma bato Pedrore ihñagũ wahaerũ Jerusalẽpũ. Topũre pũa semana waro ijii. ¹⁹ Sa yegũ apequnare Cristo cĩriquinare ihñedũ. Santiago dihitare mari puhtoro bahurore ihñaerũ. ²⁰ Ohõ saha ni ojoagu Cohãcjũ mehna ne ni meho ojoaeraja.

²¹ Came Siria yehrapũ, Cilicia yehrapũ gũhure wahaerũ. ²² Topũre yuh esagũ ti pjere Judea yehrapũ ijieyequina Jesu yequina yuhure ihña masiedari. ²³ Sa ye ahri dihitare yuhure masi dũcari tiquina: “Panopũre marine ñano yeriquiro yojopũre quehnoañe buheyere tiquiro cohã duari buheyere buhero nine”, ni, masi dũcari tiquina. ²⁴ Yuhure sa masiñe Cohãcjũre “Quehnoa yuhduagu ijire”, nidi tiquina.

Apequina Cristo cūriquina Pablore piti ca, duita cahmene

¹ Catorce cahmari bato pari turi Jerusalēp_u wahag_u Bernabé mehna waha_u. Tito gāh_u wahari y_uh_u mehna. ² Cohācjū y_uh_ure tiquiro waha dutigū top_ure waha_u. Jerusalēp_u ijig_u “Jesu yequina p_uh_utoa”, masa niñequina tiquina sehsharo cahme-coagū quehnoañe buheyere judio masa ijieye-quinare y_uh_u buherire yahuu tiquinare. “¿Judio masa ijieyequinare quehnoañe buheyere y_uh_u buhegū quehnoajari, m_usa t_uhotugū?” nig_u, sa yahuu tiquinare. Sa yahuu tiquinare panop_u y_uh_u buherire, yojop_ure y_uh_u buheri gāh_ure tiquina quehnoano masiatire, tire “Quehnoare”, tiquina niatire. Tiquina sa niedagū y_uh_u buheri d_uhseati ijieraboaga.

³ Y_uh_u mehna cjāno Tito judio mas_uno ijieriquire ijiri. Sa yero cuhnucun_u sohtoa cahserogāre y_uh_ure nemehnediquiro ijire. Sa y_uhremehnediquiro tiquiro ijiepegāta Jesu yequina p_uh_utoa “M_uh_u gāh_u ti cahserogāre y_uh_ure neña”, niedari tiquire. ⁴ Tiquina sa niedapegāta ihquēquina “Jesu yequina ijiaja”, ni mehoñequina wacūeno mehna _usā mehna sajā, tiquire ti cahserogāre y_uh_ure negū cahmemedi tiquina. Jesu yequina mari ijina “Panop_u cjēne tiquina dutiriro saha yena ti mehna y_uhd_usi”, ni t_uhotuaja mari. Mari sa ni t_uhotugū mari yeyere ihña duaye tiquina pehe _usā mehna ni meho sajāri. Sa yeye _usā ñec_us_um_una m_una iji turiayequina ye dutiyere ye duti duaye, ti dutiyere ño peoducugū ye duamedi _usāre tiquina. ⁵ Tiquina sa ye duepegāta quehnoañe buheyere poto m_usa masiatire ne

mehenogã mehna tũho duerũ usã tiquinare.

⁶ Sa ye Jesu yequina pũtoa quehnoañe buheyere yũhũ buherire tiquina tũhori bato “Ahri buheye mehna apeye buheyere buhe moreña”, ne niedari tiquina yũhare. Jesu yequina pũtoare ihyo ijiyequina yero saha tũhotuaja tiquinare. Cohãcjũ pehe ijipihtiyequinare ihcãno saha ihñare. Sa yegũ sata tũhotuaja yũhũ gãhũ pũtoa gãhũre, ihyo ijiyequina gãhũre. ⁷ Sa ye yũhũ buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yũhũ buheatire Cohãcjũ yũhare tiquiro cũrire tũhoye, “Tita ijire”, nidi tiquina. Judio masare buheyere Cohãcjũ Pedrore tiquiro cũriro sahata yũhũ gãhũre cũri judio masa ijieyequinare yũhũ buheatire. ⁸ Judio masare Pedrore buhe dutiriqirota Cohãcjũ yũhũ gãhũre tiquirota buhe dutiri judio masa ijieyequinare.

⁹ Sa ye Santiago, Pedro, Ñu mehna Jesu yequina pũtoa waro quehnoañe buheyere buherire Cohãcjũ yũhare tiquiro cũrire tũhoye “Tita ijire”, nidi tiquina. Sa nieta yũhare Bernabé mehna quehnoano bucueye mehna omoca ñehedi usãre piti tiye tehe. Sa yena judio masa ijieyequinare buhena ijiaja usã. Santiago gãhũ pehe judio masare buheyequina ijire. “Sata ijiahro”, nii usã basi. ¹⁰ Sa niepeta tiquina judio masare pejecũoyequinare yedoho dutiri usãre. Pejecũoyequinare yedohoacjũ ijiita niaja yũhũ.

Antioquíarũ Pablo Pedrore tuhtiahye

¹¹ Sa ye Antioquíarũ yũhũ esari bato Pedro gãhũ esari. Sa yegũ quehnoano tiquiro yerari buhiri

tuhtii tiquirore. ¹² Ohõ saha yeri tiquiro: Santiago ohoriquina Antioquíap̄a tiquina esato panogã, Pedro pehe judio masa ijieyequina mehna ih-yaro nidi, judio mas̄no ijieperota. Santiago ohoriquina judio masa ijieyequinare “Cuhnucun̄a sohtoa cahserogãre ȳh̄re neña”, niñequina, usã judio masa panop̄a cjẽna ye dutiyere ye dutiyequina ijiri. Pedro sa ihyari watoa Santiago ohoriquina esari. Sa ihyariquiro ijieperota tiquina tiquiro cahap̄a esagũ ihñano, tiquinare cuero, Pedro judio masa ijieyequinare duhu cã, pari turi tiquina mehna ihyaro wahaerari. “Panop̄a cjẽna mari judio masa yere ȳhd̄d̄caḡa niaja. Sa yeye yojop̄a wihiyequina ȳh̄are tuhtiar̄i”, nino, judio masa ijieyequina mehna ihya nemoedari. ¹³ Tiquiro sa ye mehoriro saha tiquiro yegũ ihñañe, apequina judio masa gãh̄a tiquiroreta ihña cũ, tiquina gãh̄a tiquiro yero saha yeri. Sa yero Bernabé quehnoariquiro ijieperota tiquina yero saha yeri tiquiro gãh̄a.

¹⁴ Cristo ye buheye marine quehnoano, queoro ye dutire. Sa ye Pedro gãh̄a ti buheye nidiro sahata yerari, judio masa ijieyequina mehna ihya duhuye. Tiquina sa yegũ ihñaḡa, ijipihtiyequina Jesu yequina ihñonop̄a Pedrore ohõ saha ni yahuu: “M̄h̄a judio mas̄a ijiepeḡata judio masa ye dutiyere, tiquina ijiye tiyere duhu cãri m̄h̄a, Jesu yere yeḡa t̄h̄a. Sa yeḡa judio masa ijieyequina dutiye marieñequina yero saha yee tiri m̄h̄a. Sa yeriḡa ijiepeḡata apequina judio masa wihigũ ihñaḡa, judio masa ijieyequinare piti ti nemoedari m̄h̄a. ¿Judio masa dihitare m̄h̄a piti tigũ ihñañe, d̄h̄se ni t̄hotuetari judio masa ijieyequina pehe?

‘Judio masa yero saha ijihna’, ni t̄hotuboaga tiquina. ¿Tiquina ḡh̄ure judio masare ihña c̄ḡũ cahmeajari m̄h̄? To ijierare”, nii tiquirore.

Judio masare apequina masa yero saha Jesure wacũ tutua dutiahye Cohãcjũ

¹⁵ Ûsã pehe judio masa masa bajuana, apequina ñano yeyequina judio masa ijieyequina yero saha ijieraja usã. ¹⁶ Sa ijina ijiepenata Cohãcjũ dutiyere Moisere tiquiro c̄r̄ire usã yerina ijigũ “Quehnoana ijire”, ni ihñedare Cohãcjũ usãre. Tire mari masiaja. Sa yero Jesucristore mari wacũ tutuagũ Cohãcjũ marine “Quehnoana ijire”, ni ihñanota. Tire masina, usã ḡh̄u Jesucristore wacũ tutuaja tiquirore usã wacũ tutuari mehna usãre “Quehnoana ijire”, Cohãcjũ tiquiro ni ihñatire. Sa yero tiquiro dutiyere usã yerina ijigũ “Quehnoana ijire”, ni ihñedare Cohãcjũ usãre. Ne masa ti dutiyere yeye mehna “Quehnoañequina ijire”, ni ihñedare Cohãcjũ tiquinare.

¹⁷ Cristore mari wacũ tutuaye mehna quehnoana Cohãcjũ yequina mari waha duagũ, ñana mari ijiyere masigũ yerota Cristo. ¿Cristo mari ñañene marine masigũ yero, ñana marine ijigũ yeajari tiquiro, m̄sa t̄hotugũ? Ne mehenogã mehna sa yerare. ¹⁸ Ûsã dutiye yeye mehna ȳhd̄u duamedina ijiepenata ti buheyere cohãh̄. Sa cohãepenata pari turi ti buheyere yena ti dutiyere usã ye pehoerari buhiri potota buhiri tinata usã. ¹⁹ Cohãcjũ dutiyere Moisere tiquiro c̄r̄ire ihcãno sahaeraja mari. Sa yena ti dutiye mehna ne ȳhd̄usi mari. Sa yena Cohãcjũ tutuaye mehna tiquiro yequina ijiaja mari.

20 Cristo mehna curusap̄a yariariquina yero saha ijiaja mari. Sa yena yariariquiro tiquiro esa tuharo tiquiro yerariro saha mari esa tuharo yeraja. Cristo ye tutuaye mehna yeaja. Sa yena yojop̄are Cohãcjũ mac̄nore wacũ tutuaye mehna ijiducuaaja mari. Tiquiro Cohãcjũ mac̄no marine cahĩne. Sa yero mari ye buhirire yariari. 21 Ti dutiye yeye mehna quehnoana Cohãcjũ yequina mari wahagũ Cristo yariari pehe ne d̄ahseati ijieraboaga. Cohãcjũ marine tiquiro cahĩdire, Cristo tiquiro yariarire ihyo ijiye waro yero saha ijigũ ye dueraja ȳh̄h̄ pehe. Sa yegũ “Dutiye mehna ȳhd̄hḡtja”, ne nisi ȳh̄h̄.

3

Cohãcjũ dutiye Moiserere tiquiro cũrire, wacũ tutuaye ḡh̄h̄re yahuahye Pablo

1 Ȳh̄h̄ acaye, m̄sa Galacia cjãna t̄ho masiena iji wame tire m̄sa. Jesucristo curusap̄a tiquiro yariarire buheyere ijipihtiyequina tiquina ih̄nop̄a m̄sare yahuu. ¿Sa yena yojop̄are tiquiro yere m̄sa ȳhd̄d̄catire ni mehoñequina m̄sare tiquina dojomehnegũ d̄ahse yena tiquinare ȳhtiri m̄sa? 2 Ahrireta yahu duaja m̄sare: Dutiyere m̄sa yeye mehna Esp̄ritu Santore c̄o d̄caerari m̄sa. Quehnoañe buheye pehere t̄hona Cristore m̄sa wacũ tutuaye mehna Esp̄ritu Santore c̄o d̄cari m̄sa. 3 Esp̄ritu Santo tutuaye mehna m̄sa Cristo yequina iji d̄cagũ yojop̄are m̄sa basi dutiyere m̄sa yeye mehna Cohãcjũ cahap̄a m̄sa waha duagũ ñarĩne. T̄ho masiena ijire m̄sa, sa yena. 4 ¿Quehnoañe

buheyere m̄sa yeri buhiri peye tahari m̄sa ñano ȳhd̄na ihyo warota ñano ȳhd̄na niyari m̄sa, sa wahana? Ihyo waro ijierare m̄sa sa ñano ȳhd̄ri. Dutiye yeye mehna Cohãcjũ cahap̄m̄ m̄sa waha duana ihyo warota ñano ȳhd̄na niboaga m̄sa. ⁵ ¿D̄hse m̄sa yeri wapa Esp̄ritu Santore m̄sare ohori Cohãcjũ, m̄sa t̄hotugũ? Tiquiro dutiyere m̄sa yeri wapa ohoerari tiquiro. Tiquiro buheyere quehnoano m̄sa t̄hogũ ih̄ño tiquirore m̄sa wacũ tutuari batop̄m̄ Esp̄ritu Santore ohori tiquiro. ¿Cohãcjũ m̄sa watoa tiquiro tutuaye mehna ye ih̄ño d̄hse ijero boro sa ye ih̄ñoajari tiquiro, m̄sa t̄hotugũ? Tiquiro dutiyere m̄sa yeri wapa sa ye ih̄ñoedari tiquiro. Tiquiro buheyere quehnoano m̄sa t̄hogũ ih̄ño tiquirore m̄sa wacũ tutuagũ sa ye ih̄ñori tiquiro.

⁶ Abrahã Cohãcjũre wacũ tutuahye. Tiquiro sa yegũ tiquirore Cohãcjũ “Quehnoariquiro ijire”, ni ih̄ñahye. ⁷ Sa yena ahri ȳh̄m̄ niatire masiña m̄sa: Cohãcjũre wacũ tutuayequinata potota Abrahã panamena iji turiayequina ape tjuro cj̄na yero saha ijire. ⁸ Panop̄m̄ Cohãcjũ yere tiquina ojoari p̄p̄m̄ oh̄ saha ni yahuahye: Judio masa ijieyequina Cohãcjũre tiquina wacũ tutuagũ ih̄ño “Quehnoañequina ijire”, ni ih̄ñare Cohãcjũ. Tiquiro sa ni ih̄ñatire Cohãcjũ panop̄m̄ masiyuro, tiquiro quehnoañe buheyere Abrahãre yahu m̄hta tuhasahye. “M̄h̄m̄ mehna ahri yehpa cj̄nare ijipihtiyequinare quehnoano yeitja”, niahye Cohãcjũ Abrahãre. ⁹ Sa yero Abrahã Cohãcjũre quehnoano t̄ho wacũ tutuahye. Tiquiro sa wacũ tutuagũ ih̄ño Cohãcjũ tiquirore quehnoano yeahye. Sa ye apequina masa

Cohãcjũre tiquina wacũ tutuagũ, tiquina gũhare quehnoano yerota Cohãcjũ, Abrahãre tiquiro yeriro sahata.

¹⁰ “Ti dutiyere Moiserere tiquiro cũri mehna Cohãcjũ yequina wahanata”, ni tũhotuyequina buhiri tiyequina ijire. Tiquiro ojoari pũrũ sata nine: “Cohãcjũ dutiyere tiquiro ya pũrũ tiquina ojoarire ye pehoeyequina buhiri tiyequina ijire tiquina ijipihtiyequina”, ni ojoahye. ¹¹ Cohãcjũ yere tiquina ojoari pũrũ ohõ saha nine: “Cohãcjũre wacũ tutuayequinare ‘Quehnoañequina ijire’, ni ihñare Cohãcjũ. Sa wacũ tutuaye ijipihtiyere decori Cohãcjũ mehna sa ijiducueta”, nine Cohãcjũ yere tiquina ojoari pũrũ. Tiquiro sa nigũ ahri yahũ niatire mari quehnoano masiaja: Ti dutiyere tiquina yeye mehna masare quehnoañequina yero saha ihñedare Cohãcjũ.

¹² Dutiyere yeye mehna Cohãcjũ caharũ waha duayequina Cohãcjũre wacũ tutuerare. Ohõ saha nine Cohãcjũ yere tiquina ojoari pũrũ: “Dutiyere yeye mehna quehnoañequina waha duayequinare ti dutiyere ye pehorõ cahmene tiquinare”, nine Cohãcjũ yere tiquina ojoari pũrũ.

¹³ Sa ye ti dutiyere marine buhiri tigũ yere. Mari buhiri tigũ ihñano Cristo pehe tiquiro basi mari ye buhirire buhiri tiriquiro waharo, mari buhiri tiborire buhiri ti basahye marine. Cristo tiquiro buhiri tiatire yahuro ohõ saha ni ojoahye panopare: “Ijipihtiyequina yucaripũ tiquina duhu ohõriquina buhiri tiriquina ijire”, ni, ojoahye panopare. ¹⁴ Tiquiro sa ni ojoariro sahata sa yeahye Cristore. Cohãcjũ Abrahãre “Ahri yehpa cjẽnare quehnoano yeitja”, tiquiro nidiro sahata

yero niahye masare. Sa yeahye Cristo mehna. Tiquiro yariahye judio masa ijieyequinare Cohãcjũ quehnoano tiquiro yeatire. Sa yero Jesucristo mehna sohtori tiahye Cohãcjũ Abrahãre tiquiro nidiro sahata. Sa yeahye tiquirore mari wacũ tutuari bato Espíritu Santore mari c̃hoatore.

Tiquiro buherire quitu mehna yahu nemoahye Pablo

¹⁵ Yuh̃u acaye, masa ye quitu mehna ti yuh̃u nidire yahutja m̃sare: Tiquina pac̃ro tiquiro yariato pano tiquiro pohne comesatire yahuri pũ ohõ saha ni ojoare. “Yeere yuh̃u pohnare ohoutja”, ni ojoare. Tiquiro sa ni ojoa c̃uri pũre tiquiro yariato pano apequiro pehe ti pũre si-joro saha ni ojoa nemo masiedare. Sa yero ti pũre “Poto ijierare”, ni masiedare. ¹⁶ Ti pũre tiquina pac̃ro tiquiro pohnene tiquiro c̃uro saha “M̃sare quehnoano yeitja”, Cohãcjũ nino, Abrahãre tiquiro panamino iji turiariquiro g̃hure nino niahye. Sa nino apequina tiquiro panamena iji turiayequinap̃re nino niedahye. Ihcãquiroreta tiquiro panamino iji turiariquiro dihitare nino niahye Cohãcjũ. Tiquiro Abrahã panamino iji turiariquiro Cristo ijire. ¹⁷ Yojop̃re quehnoano yahutja m̃sare: Abrahã g̃hure Cohãcjũ “M̃sare quehnoano yeitja”, tiquiro ni c̃uri bato cuatro ciento treinta cahmarí yuh̃uri bato tiquiro dutiyere Moiserre c̃ahye. Sa c̃uro Abrahã g̃hure Cohãcjũ “M̃sare quehnoano yeitja”, tiquiro nidiro boro taro niedahye. ¹⁸ Cohãcjũ marine yuh̃uro dutiyere mari yeye mehna marine yuh̃oerare. Dutiyere yeye mehna mari yuh̃ugũ

Cohãcjũ “Mũsare quehnoano yeitja”, tiquiro nidi pehe dũhseati ijieraboaga. Marine yũhdũoro taro Cohãcjũ Abrahãre tiquiro ni cũri mehna sa yero taro niahye.

¹⁹ ¿Sa yero dũhse yeatire tiquiro dutiyere cũri Cohãcjũ? Tiquiro dutiyere cũahye ti dutiyere mari yũhdũdũcarire mari quehnoano masiatire. Sa yero panopũre Cohãcjũ “Mũhũ panamino iji turiariquiro mehna masare quehnoano yeitja”, Abrahãre tiquiro nidiquiro tiquiro wihiato pano Cohãcjũ dutiyere cũomahye masa. Sa yero Cohãcjũ dutiyere tiquiro cũgũ tiquiro yequina angele pehe tire duti turiahye. Sa ye Moiserere tiquina cũgũ, tiquiro pehe masare cũ turiahye tja. ²⁰ Ti dutiyere Moise cũ turiagũ Cohãcjũ tiquiro basita masare cũedahye. Sa cũedaperota Cohãcjũ “Mũhũre quehnoano yeitja”, Abrahã pehere ni cũno, tiquiro basita sa ni cũahye.

²¹ Cohãcjũ Moiserere tiquiro dutiyere cũno, to pano Abrahãre tiquiro nidire “Abrahãre yũhũ nidiro saha yesi yũhũ”, nino niedahye tiquiro. Abrahãre tiquiro nidiro sahata yero taro niahye. Tiquiro dutiye yeye mehna Cohãcjũ yequina wahana ti pje pũrita dutiyere mari yeye mehna quehnoana wahaboaga mari. ²² Sa yero Cohãcjũ tiquiro yere tiquina ojoari pũ pehe ijipihtiyequina ñaÑe buhiri tiyequina tiquina ijiyere yahuahye. Sa ni yahuahye Cohãcjũ “Mũsare quehnoano yeitja”, to pano tiquiro nidiro sahata yero taro. Sa yero Jesucristore wacũ tutuayequinare quehnoano yere to pano tiquiro nidiro sahata.

²³ Cohãcjũre wacũ tutuati buheyere marine tiquiro cũato pano tiquiro dutiye pehe mari ñaÑe

yerire marine masigũ ye tuhasari. Sa ye marine yahuri ti dutiye pehe. Cohãcjãre wacũ tuatuati buheyere marine tiquiro yahugũpũ tiquiro dutiye marine yahu duhuri. ²⁴ Sa ye Cohãcjũ dutiye pehe Cristo wihiato pano marine yahuri. Sa yahuri marine Cristore mari wacũ tutuaye mehna Cohãcjũ “Quehnoana ijire”, marine tiquiro ni ihñatire. ²⁵ Yojopũ pũritare Cristore mari wacũ tutuari pje ijire. Ti sa ijigũ tiquiro dutiye pehe marine yahu nemoedare. Marine duti nemoedare.

²⁶ Sa yena Cristo Jesure mũsa wacũ tutuaye mehna Cohãcjũ pohna ijire mũsa. ²⁷ Ijipihtina mũsa Cristo wame mehna wame yenohrina ijina, Cristo Cohãcjũ macũno tiquiro ijiro sahata tiquiro pohmata ijire mũsa gũhũ. ²⁸ Yojopũre pũa curua ijierare mũsa. Judio masa ijiena, judio masa mehna pũa curua ijierare mũsa. Cahacjãna, cahacjãna ijiena mehna pũa curua ijierare mũsa. Ɛmũa, numia mehna pũa curua ijierare mũsa. Sa yena ijipihtina mũsa Cristo yequina ijina, ihcã curuata ijire mũsa. ²⁹ Sa yena Cristo yequina ijina, Abrahã panamena iji turiana yero saha ijire mũsa. Mũsa sa ijina ijigũ Cohãcjũ Abrahãre “Mũsare quehnoano yeitja”, tiquiro nidiro sahata mũsa gũhũre quehnoano yerota tiquiro. Cristo yequina mũsa ijigũ ihñano mũsare quehnoano yerota.

4

¹ Ohõ saha ijire ahri quitu mehna yũhũ yahu nemogũ: Tiquiro pacũro came tiquiro yere nea-tiquiro wahmũno iji cãhtariquiro ijiropũ ijipihtiye tiquiro ye ijiepegũta cahacjũno yero saha ijire

tiquiuro. ² Sa ye tiquiuro wahmuno iji cãhtariquiuro ijigã tiquiore ihña ihboyequina tiquiuro yere ihña ihbore. Sa yero tiquiuro pacuro queoriro esagũpũ tiquiuro pacuro yere curota. ³ Ohõ saha wahmuno iji cãhtariquiuro yero saha ijimi mari gũhũ. Sa ijina mari ijigã cahacjẽnare tiquina dutiro saha ahri yehpa cjẽ dutiye masa ye dutiye marine dutinimedi. ⁴ Mari sa ijina ijiepegũta tiquiuro queori pje esagũ Cohãcjũ tiquiuro macunore ohoahye. Sa tiquiuro ohogũ tiquiuro macuno ihcãcoro nuhmino mehna masa bajuahye. Sa yero tiquiuro judio masuno masa bajuagũ Cohãcjũ dutiye Moiseri tiquiuro cũri tiquiore dutinimahye. ⁵ Mari gũhare ti dutiyeta dutinimahye. Sa yero marine yãhdũoatiquiore ohoahye Cohãcjũ tiquiuro macunore, tiquiuro pohna mari wahatire.

⁶ Sa yero tiquiuro pohna mari ijigã Cohãcjũ macuno tiquiuro yaquiuro Espiritu Santore mari mehna ijiatiquiore ohoahye Cohãcjũ. Tiquiro yaquiuro Espiritu Santo pehe Cohãcjũre “Mai”, niniquiro ijire. ⁷ Sa yena mũa Cohãcjũ yedohoye mehna cahacjãna ijierare mũa yojopũre. Tiquiro pohna ijire mũa. Sa yena tiquiuro pohna ijina, Cohãcjũ tiquiuro ohoatire cunata.

Pablo Galacia cjẽnare Jesu yequinare cuesãhye

⁸ Панорũ Cohãcjũre mũa masiena ijina “Cohãcjũ ijire”, mũa niñe queoyere ño peona ti queoye cahacjãna ijimahye mũa. Mũa sa ño peoyequina cohãmana waro ijierahye. ⁹ Sa ijirina ijiepenata yojopũre Cohãcjũre masine mũa. Ijierare. Tiquiro pũrita mũa pehere masine. ¿Tiquiro sa

masiepegũta dũhse yena ahri yehpa cjẽna ye buh-eye pehere cahmeajari mũsa? Ti buh-eye dũhseati ijierare. ¿Dũhse yena panopũ mũsa yeriro sahata Cristo marieno ye duajari mũsa? ¿Dũhse yena dutiyere mũsa yeducuri mehnata Cohãcjũ cahapũ waha duajari mũsa? Wahasi mũsa. ¹⁰ Ihquẽ decorire, ihquẽ asũrine, ihquẽ pohecũrre, ihquẽ cahmarine bõse decorire dahre dutire mũsa. “Mari sa yeye mehna dutiye mehna yũhdũnata”, ni, tũhotumene mũsa. ¹¹ Mũsa sa ni tũhotugũ mũsare tutuaro yũhũ buheri dũhseati ijieraboaya, yũhũ tũhotugũ. Sa yegũ mũsare cuesãja.

¹² Yũhũ acaye ahrire tutuaro dutiitja mũsare: Cristore yũhũ tũhoturiro sahata mũsa gũhũ tiquire tũhotuya. Panopũ dutiye yeye mehna yũhdũ duayequina ijieramahye mũsa judio masa ijiena ijina. Yojobũ pehere yũhũ gũhũ mũsa yero saha wahaũ, dutiye yeye mehna yũhdũ dueragu. Sa yena Cristore yũhũ tũhoturiro sahata mũsa gũhũ sata tiquire tũhotuya.

Mũsa mehna yũhũ ijigũ quehnoano yeri mũsa yũhũre. ¹³ Dohatigũpũta mũsare quehnoañe buheyere coã warore buhe dũcaũ yũhũ. ¹⁴ Yũhũ sa dohatigũ ijiepegũta yũhũre yabierari mũsa. Sa yena yũhũre cohã tojoerari mũsa. Sa yena Cohãcjũ yaquiro angelre, Jesucristo gũhũre mũsa piti caboriro saha yũhũre quehnoano piti cari mũsa. ¹⁵ ¿Yojobũre dũhse wahari mũsa bucueye? Mũsare ahrire niitja: Purĩñene dũcana mũsa caperire ore we ne yũhũre ohoboaya mũsa. ¹⁶ ¿Yũhũ mehna cjãna ijiepenata yojobũre queoro mũsare yũhũ yahuri buhiri ihña tuhtiajari mũsa yũhũre?

¹⁷ Sohõ ijiriquina mũsare tutuaro cahmesãre.

Tiquina t̄hotuye sijoro saha ijire. Quehnoañe ijierare. Tiquina m̄sare ȳh̄ure ȳhd̄ud̄caḡũ cahmene, tiquina pehere ño peo dutiye. ¹⁸ Quehnoano mehna m̄sa quehnoano wahati pehe m̄sare tiquina cahmes̄ḡũ quehnoar̄ĩboaga. Sa ye top̄ure ȳh̄u mariedaḡũ ḡh̄ure tiquina sa cahmes̄ḡũ quehnoar̄ĩboaga. ¹⁹ Ȳh̄u poh̄naḡã, niji wahc̄oricoro ticoro ñano ȳhd̄uro saha m̄sare ñano wac̄ũ t̄hotuaja ȳh̄u. Tee Cristo yero saha m̄sa ijiḡũp̄u m̄sare wac̄ũ duhutja. ²⁰ Mianoḡã m̄sa mehna ijiḡu tuhtiro marieno bucueye mehna m̄sa mehna ȳh̄u yahuḡũ quehnoaboaga ȳh̄ure. M̄sare pajiro t̄hotuḡu niaja ȳh̄u.

Agar Sara mehna tiquina ijirire yahuahye Pablo

²¹ T̄hoya m̄sa ȳh̄ure. Coh̄ãcj̄ũ dutiyere yeye mehna ȳhd̄u duana ijiepenata tiquiro dutiye pehere quehnoano masiedare m̄sa. ²² Oh̄o saha niahye Coh̄ãcj̄ũ yere tiquina ojoari p̄ũp̄u: Abrah̄ã p̄aro pac̄uro ijiahye. Tiquiro cahac̄j̄õno Agar wame tiricoro mehna ihc̄ãquirore poh̄na tiahye. Sa ye tiquiro namono poto Sara wame tiricoro mehna ḡh̄ure ihc̄ãquiro poh̄na tiahye. ²³ Sa ijiepeḡãta tiquiro cahac̄j̄õno mac̄ano masa mari yero saha masa bajuahye tiquiro. Tiquiro namono poto mac̄ano pehe “Ihc̄ãquiroḡã poh̄na tinata m̄sa”, Coh̄ãcj̄ũ ni yahuriro sahata masa bajuahye tiquiro pehe. ²⁴ Ahri q̄uti marine quehnoano queoye mehna yahure: Coh̄ãcj̄ũ p̄ua taha masare “M̄sare yedohoutja”, tiquiro ñiñe yero saha ijire ahriquina numia p̄aro numia. Ihc̄ãcoro Sinaí wame tid̄ũp̄u Coh̄ãcj̄ũ dutiyere ohori yero saha ijire. Ticoro Agar

ijire. Ticoro mehna mari queoye mehna buhegũ judio masa gũhũ dutiyere yeducuye mehnata yũhdũ duayequina ticoro yero saha ijire. Tiquina cahacjẽna yero saha ijire. ²⁵ Ticoro Sinaí wame tidũ Arabiapũ ijidũ yero saha ijiricoro ijire. Yojopũre Jerusalẽ cjẽna judio masa dutiye yeye mehna yũhdũ duayequina dutiye cahacjẽna yero saha ijire. Sa yeye mari queoye mehna buhegũ tiquina ticoro yero saha ijire cahacjõno ticoro ijiro saha. Tiquina Cohãcjũ pohne ijierare. ²⁶ Mari pehe Cristo yequina ijina Cohãcjũ pohna ijiaja. Sa yena uhmũse cjãna ijiaja. Jerusalẽ uhmũsepu ijiri maca cjãna ijiaja mari. Topũre masa tiquina yũhdũatire dutiyere yeye mariedare. ²⁷ Cohãcjũ yere tiquina ojoari pũpũ ohõ saha ni ojoahye Cohãcjũ pohne warore, Sara yero saha ijiricorore yahuro:

Pohna mariego, bucueya. Sa ijigo bucueye mehna sañuducuya, niji wahcõno purĩnore masiego ijigo. Mũhũ pehe manũ cohõrigo ijigo apecoro manũ tiricoro yũhdũoro peyequina pohna tigota. Sa yego bucueya, ni ojoahye panopũre ticoro pohna tiato pano Sara yero saha ijiricorore yahuro.

²⁸ Yũhũ acaye, Cohãcjũ ni diro sahata Isaac masa bajuahye. Mari gũhũ tiquiro yero saha Cohãcjũ ni diro sahata tiquiro pohna ijiaja mari. ²⁹ Sa ijiepegũta ti pjepeũre ihyo ijiriquiro yero saha masa bajuariquiro ñano yeahye apequirore Espĩritu ni diro sahata masa bajuariquirore. Yojopũ gũhũre sata ijire Cohãcjũ yequinare masa ñano yegũ. ³⁰ Sa yero ohõ saha nine Cohãcjũ yere tiquina ojoari pũpũ: “Cahacjõno macũno tiquiro pacũro yere cũo

masiedare. Tiqairo namono poto macño pehe tiqairo pacño yere cño masine. Sa ye tiqairo cahacjõnore ticoro macño mehnata cohã cãhña”, ni ojoahye. ³¹ Yñhñ acaye, ne cahacjõno pohne yero saha ijieraja mari. Sa yena Abrahã namono poto pohne yero saha ijiaja. (Sa yena Cohãcjũ mari Pacñ yere cño masiaja.)

5

Cristo marine cahacjẽna yero saha ijiyere tiqairo duhugũ yeri bato tutuana ijiro cahmene marine

¹ Sa yero mari cahacjẽna yero saha ijirire potota Cristo marine duhugũ yeri. Tiqairo sa duhugũ yeri bato tutuana ijiya mñsa. Ti dutiye mehna yñhdñ duayequina cahacjẽna yero saha ijimedina pari turi cahacjãna sajãedacãhña mñsa.

² Yojoꝑñre yñhñ Pablo ahrire yahutja mñsare: “Cuhnucunñ sohtoa cahserogãre mari yñhre nedi mehna yñhdñnata”, mñsa ni tuhutugũ Cristo mñsare tiqairo yedohori dñhseati ijierare mñsare. ³ Ijipihtina ti cahserogãre mñsa yñhre nedi mehna yñhdñ duanare pari turi ohõ saha ni yahutja yñhñ. Ti cahserogãre mñsa yñhre nedi mehna yñhdñ duana, apeye Cohãcjũ dutiyere ye pehoerana, yñhdñsi mñsa. ⁴ Dutiyere yeye mehna yñhdñ duana Cristo pehere cohãri mñsa. Sa yena mñsare Cohãcjũ tiqairo cahññene, tiqairo yñhdño duayere duhu cãri mñsa. ⁵ Sa ijiepegãta Espíritu Santo tutuaye mehna Cohãcjũre mari pehe wacũ tutuaja. Mari sa wacũ tutuagũ “Quehnoana ijire”, ni ihñare Cohãcjũ marine. Tiqairo sa ni ihñagũ marine tiqairo yñhdñoatire masiaja mari.

⁶ Cristo Jesu yequina ijina cuhnucun_u sohtoa cahserogãre mari y_uhre negũ ne d_uhseati ijierare. Ti cahserogãre mari y_uhre nedagũ gũh_ure ne d_uhseati ijierare. Sa ijiepegãta Cristo pũritare wacũ tutuana apequinare cahĩnata mari. Ti wacũ tutuaye pehe ihyo waro ijiro niedare.

⁷ M_usa Cristore quehnoano wacũ tutuamedi. ¿Quehnoañe buheyere m_usare y_uh_u acaye judio masa tiquina y_uhd_ud_uca dutigũ d_uhse yena tiquinare y_uhtiri m_usa? ⁸ Tiquina ye buheye Cohãcjũ m_usare cũriquiuro tiquiuro ye buheye ijierare. ⁹ Ahri y_uh_u niatire wacũña m_usa: Mehenogã pã pugũ yeye trigo y_ub_ure quehnoano ti sehsaro saha y_uh_u acaye judio masa ye buheye pehere peyequina m_usa mehna cjẽna cahmeboaga. ¹⁰ Mari p_uhtoro Cristore wacũ tutuaja y_uh_u. Sa yeg_u ahri y_uh_u niatire masiaja y_uh_u. Cristo yedohoye mehna apeye buheyere camer_ure cahmesi m_usa. Tire masiaja y_uh_u. M_usare dojomehne cohteyequina noho ijiyequina ijiaga. Tiquinare Cohãcjũp_u buhiri dahrerota.

¹¹ Y_uh_u acaye, “Dutiye yeye mehna y_uhd_unata”, tiquina ni buheyere y_uh_u buheg_u ijigũ judio masa y_uh_ure ñano yeraboaga. Cristo curusap_u tiquiuro yariarire yahuye buheyere y_uh_u buheri buhiri tiquina ñano yeri y_uh_ure. Cristo ye buheye mehna judio masa ye buheyere y_uh_u buhe moregũ y_uh_ure ñano yeraboaga tiquina. ¹² M_usare dojomehne cohteyequina m_usa cuhnucun_u sohtoa cahserogãre y_uhre ne dutiyequina tiquina basi dihita y_uhre neahdo.

¹³ Y_uh_u acaye, “Dutiye mehna y_uhd_unata”, ni t_uhotu dutierare Cohãcjũ m_usare. Ti dutiye mehna

yuhduerapenata ti dutiyere yuhducaeracãhña m̄sa. Sa ye m̄sa mehna cjẽnare cahme cahña, tiquina cahacjẽna yero saha yedohoya tiquinare. ¹⁴ Ihcã dutirore quehnoano yena, Cohãcjũ dutiyere ye pehona niaja mari. Ohõ saha ijire ti dutiro: “M̄h̄u basi m̄h̄u cahño saha m̄h̄u cahar̄u ijiyequina gũh̄u cahña”, ni, dutiahye. ¹⁵ Sa yena wahiquina yero saha m̄sa basi cahme d̄use tutueracãhña. Sa yena cahmequedacãhña. M̄sa mehna cjẽna “Cristo yere duhuari”, nina, quehnoano yeya m̄sa.

Masa ñañene tiquina tutuaro cahmeñene, Espiritu Santo cahmeñe gũh̄u yahuahye Pablo

¹⁶ Espiritu Santo tiquiro cahmeno sahata ijiya m̄sa. Sa yena m̄sa ñañene m̄sa tutuaro cahmeñene yeracãhña. ¹⁷ Ñañene m̄sa tutuaro cahmegũ Espiritu Santo ihña tuhtire. Tiquiro sa ihña tuhtigũ ti ñañene duhu duare m̄sa. Sa yena ñañene m̄sa tutuaro cahmena, Espiritu Santore ihña tuhtire m̄sa. Sa ihña tuhtina tiquiro cahmeno saha yerare m̄sa. Sa ye ñañene m̄sa tutuaro cahmeñe Espiritu Santo tiquiro cahmeñe yero saha ijierare. Sa ye Espiritu Santo tiquiro cahmeñe ñañene m̄sa tutuaro cahmeñe yero saha ijierare ti. Sa yena m̄sa cahmeno saha yerare m̄sa. ¹⁸ Sa yena Espiritu Santo tiquiro cahmeñene yena ijina “Dutiye mehna mari yuhduanata”, ni, tuhhotuerare m̄sa.

¹⁹ Masa ñañene tiquina yeyere mari quehnoano masi tuhasaja. Ohõ saha ijire ti: Numino mehna ñano yeye, um̄ano mehna ñano yeye, w̄ana tiye, b̄ue tiro marieno ñano yeye, ²⁰⁻²¹ “Cohãcjũ ijire”, tiquina niñe queoyere ño peoye, masare

ujuayequina yayia tiquina yeye, ihña tuhtiye, cahme duse tini wiaye, doeye, usuaye, tiquiro basi dihita cno duaye, ihña tuhti cahme tu waye, ihcã curua cjēna ape curua cjēnare ihña tuhtiye, apequina yere cooye, masare wejēñe, queheye, queheye bose decorire yeye, ohō saha ijiye ijire ñañene yeye. Panopu musare cuaro mehna yuhu nidiro sahata yojopu gūhare niitja: Ti borore yeriquina Cohãcjū puhtoro ijiropare uhmusepare ne esasi.

²² Espíritu Santo pehe marine ohō saha yena ijigū yere: Masare cahña, bucuena, cueye mariena, usua mañena, apequinare quehnoano yena, quehnoana, duhuro marieno Cohãcjū cahmeñene yena, ²³ quehnoano mehna yena, tiquina ñañe ye duarire yerana ijigū yere marine tiquiro. Sa yeyequinare “Sa yeracãhña”, ne ihcãquiro niedare. ²⁴ Cristo Jesu yequina ijina tutuaro mari ñañene ye duarire cohã tuhasa. ²⁵ Espíritu Santo marine Cohãcjū mehna sa ijiducugū yerota. Sa yena tiquiro cahmeno sahata yeducuna ijiihna mari.

²⁶ “Apequinare masi yuhducaja usã”, ni, tuhotuna ijieracūhna mari. Sa yena mari mehna cjēnare usuagū yeracūhna mari. Sa yena mari basi cahme coeracūhna.

6

Musa mehna cjēnare yedohoya

¹ Yuhu acaye, ihcãquiro musa mehna cjāno tiquiro ñañene yegū Cristore quehnoano wacū tutuana ijina cahñe mehna tiquirore yedohoya quehnoañene pari turi tiquiro yeatire. Sa yena

musa gũhũ “Ñañene tutuaro cahmeari”, nina quehnoano yeya. ² Musa mehna cjẽna tiquina ñano yũhdũgũ gũhare yedohoya tiquinare. Musa sa yena Cristo tiquiuro dutiro saha yena ninata musa.

³ Ihcãquiuro ihyo ijiriquiro ijieperota “Apequinare masi yũhdũdũcaja”, ni tũhoturo, tiquiuro basi ni mehoñe dihitare tũhoturiquiro ijire. ⁴ Ihquẽquina musa sehsaro musa yerire “Ahri quehnoañe ijire. Ahri ñañe ijire”, ni masiña. Sa masina musa yeri quehnoañe ijigũ musa basi bucuenata. Sa yena “Apequinare masi yũhdũdũcaja”, nisi musa. Sa niedana apequinare musa yũhdũdũcari mehna bucuesi musa. ⁵ Sa yero Jesu yaquiuro Cohãcjũ yere tiquiuro basi yere. Apequiuro masano tiquiore tire yedoho masiedare.

⁶ Sa yena quehnoañe buheyere buheriquiurore apee boro musa cũoyere tiquiore ohoya musa tiquiuro buhena.

⁷ Oteyere oteriquiro ñañe pjerire otero ñañe dũcare cũorota. Quehnoañe pjerire otero quehnoañe dũcare cũorota. Ohõ saha mari gũhũ ñañene yena ñañene cũonata. Sa yero mari ñari buhiri buhiri dahrerota. Quehnoañene yena quehnoañene cũonata. Sa yena quehnoano ijinata. Sa yena “Usã ñañene yegũ Cohãcjũ usãre buhiri dahresi”, ni tũhotueracãhña. Ñañene yeyequina Cohãcjũre bũjũpeyequina ijire. Cohãcjũre bũjũpeyequinare buhiri dahrerota tiquiuro. ⁸ Mari ñañene tutuaro cahmena, tire yena, ti mehnata yarianata. Sa yena pecapũ wahanata. Espíritu Santo pehe tiquiuro cahmeñene mari

yegũ tiquiro marine ijipihtiye decori ʘhmʘsepʘ ijiducugũ yerota. ⁹ Sa yena quehnoañene yena tire caributieracãhna mari. Cohãcjũ tiquiro queori pje ijigũ quehnoañene cʘonata mari caributierana. ¹⁰ Sa yena ijipihtiyequinare mari ihñañequinape quehnoano yeihna mari. Mari acaye Jesu yequina pũritare apequina yʘhdʘoro quehnoano yeihna.

Pablo yahu bato tiro, quehnoa duti bato tiahye

¹¹ Bʘjʘye letra yʘhʘ ojoari mehna ya omoca mehna mʘsare yʘhʘ ojoarire ihñaña mʘsa.

¹² Mʘsare cuhnucunʘ sohtoa cahserogãre yʘhre ne dutiyequina masa tiquinare ño peogũ cahmene. Cristo curusapʘ tiquiro yariarire yahuye buheyere mari buheri buhiri masa ñano yere marine. Tiquina sa yegũ ihñañe ahriquina mʘsare cuhnucunʘ sohtoa cahserogãre yʘhre ne dutire “Judio masa ye buheyere yeaja”, niñe. Sa tiquina ye dutigũ judio masa tiquinare ñano yeraboaga. Sa ye ti cahserogãre yʘhre ne dutire.

¹³ Mʘsare ti cahserogãre yʘhre ne dutiyequina pehe Cohãcjũ tiquiro dutirire ye pehoerare. Sa ye ti cahserogãre mʘsare tiquina yʘhre ne dutiri bato mʘsa yʘhtigũ ihñañe, judio masa pehe tiquinare mʘsare yʘhre ne dutiyequinare ño peoboaga. Tiquina sa ño peoatire mʘsare dutire tiquina.

¹⁴ Yʘhʘ pehe masa yʘhʘre tiquina ño peogũ cahmeda yʘhdʘaja. Mari pʘhtoro Jesucristo curusapʘ tiquiro yariari pehere masa tiquina ño peogũ cahmesãja yʘhʘ. Sa curusapʘ tiquiro yariagũ ahri yehpa cjẽ ñañene watĩno yʘhʘre tiquiro ye dutigũ yerʘ yʘhʘ. Sa yariaro ti ñañene yʘhʘre cahmedagũ yeri tiquiro. ¹⁵ Tiquiro sa

yegũ Cristo Jesu yequina ijina ti cahserogãre mari yũhre negũ ne dũhseati ijierare. Ti cahserogãre mari yũhre nedagũ gũhũre ne dũhseati ijierare marine. Sa ijiepegũta quehnoañe pehere mari comesagũ pũritare quehnoare. ¹⁶ Ijipihtina ahri yũhũ buherire yena, potota Cohãcjũ yequina ijina, cuero marieno quehnoano ijiya mũsa. Sa yena Cohãcjũ tiquiro paja ihñano mehna ijiya mũsa.

¹⁷ Mari pũhtoro Jesu cahacjũ yũhũ ijiri buhiri yũhũ pagũre cami tiaja yũhũ. Yũhũ sa ijirigũ ijigũ yojopũre apeqũna yũhũre cariboeracãhdo.

¹⁸ Yũhũ acaye, mari pũhtoro Jesucristo mehna mũsare ijipihtinare quehnoa dutiaja. Sata ijiahro.

Cohãcjũ Yere Yahuducuri Tju
New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022
ad83cef1-6eb5-5233-a8f3-356e47bbda0d